



UNIVERSITÄTS-
BIBLIOTHEK
PADERBORN

Universitätsbibliothek Paderborn

Directorivm Inqvisitorvm F. Nicolai Eymerici Ordinis Prædicatorum

Nicolaus <Eymericus>

Venetiis, 1607

Extrauagans loa[nnis] xxij. de p[ro]prio & co[m]muni.

urn:nbn:de:hbz:466:1-13589

num Papam Vicarium Iesu Christi, quem sicut infanti mente, & Schismatici vocant, & dicant esse mysticum Antichristum, maioris Antichristi præcursores, & præparatores viæ eius.

Quinquagesimus quartus error est, quod vocant eum, lupum rapacem, à fidelibus euitandis & prophetam Iuseum, seu cæcum: Caipham Pontificem, qui Christum condemnauit: & Herodem, qui Christum illudendo derisit: quia vt dicunt, ipse condemnat vitam Christi, & deridet Christum in pauperibus suis.

Quinquagesimus quintus error est: quia dicit ipsam Papam esse apum de filia, & singularem ferum, exterminantem & destruentem macerã seu claustrã Ecclesiæ Dei: ita vt in eam possint ingredi canes & porci, id est, homines, qui perfectionem vitæ Euangelicæ dilacerant, atque concalcant: & dicunt, quod plus facit de malo in Ecclesiã, quam omnes hæretici præcedentes: quia tempore hæreticorum manebat Ecclesiã in statu suo, nunc vero tempore eius, carnalis Ecclesiã destruetur, quia ipse solus eum duobus Carlinibus fugiet, & latitabit, & morietur præ tristitia & dolore.

Et quia prædicti errores fundantur originali ter in paupertate Euangelicã, quam dicebant esse mendaciter quod Christus & eius Apostoli non habuerunt aliquid in proprio, nec in communi: & q̄ in his quibus utebantur, non habebant aliquid ius, sed solum modo simplicem usum facti: ideo dominus Ioannes XXII. declarauit contrarium esse verum & catholicum, & ista duo esse hæreticalia, & condidit de consilio fratrum extrauagantem, Cum inter nonnullos, tenoris sequentis.

De proprio & communi Extrauagantes Domini Ioannis xxij.

† Hæc habetur inter extrauag. Ioan. xxij. tit. de verbo. sig. c. 4.

Cum inter nonnullos viros scholasticos sæpe contingat in dubium reuocari, vtrum pertinaciter affirmare redemptorem nostrum & dominum Iesum Christum, eiusque Apostolos in speciali non habuisse aliqua nec in communi etiã, hereticum sit cõfendendum, diuersis diuersa & aduersa etiam sententibus circa illud; Nos huic concertationi finem imponere cupientes, assertionem huiusmodi pertinacem, cū scripturæ sacræ (quæ in plerisque locis ipsos nonnulla habuisse asserit) contradicat expresse, ipsamque scripturam sacram, per quam vtiq̄ fidei orthodoxæ probantur articuli, quo ad præmissa fermentum aperte supponat continere mendacij, ac per cõsequens, quantum in ea est, eius in totum fidem euacuã, fidem catholicam reddat, eius probationem adimens, dubiam & incertam; deinceps erroneam fore censendam,

& hæreticam: de fratrum nostrorum consilio, hoc perpetuo declaramus edicto.

Rursus in posterum pertinaciter affirmare, quod Redemptori nostro prædicto, eiusq̄; Apostolis in his, quæ ipsos habuisse scriptura sacra testatur, nequaquam ius ipsi vtendi competierit, nec illa vendendi, seu donandi ius habuerint, aut ex ipsis alia acquirendi, quæ tamen ipsos de præmissis fecisse scriptura sacra testatur, seu ipsos potuisse facere supponit expresse: cum talis assertio ipsorum usum & gesta euidenter includat, in præmissis non iusta; quod vtiq̄ de usu, gestis, seu factis redemptoris nostri Dei filii sentire nefas est, sacræ scripturæ contrarij, & doctrinæ catholice inimicij: assertionem ipsam pertinacem de fratrum nostrorum consilio deinceps erroneam fore censendam merito, ac hæreticam declaramus. Nulli ergo omnino hominum liceat hanc paginam nostrarum declarationum infringere vel ausu ei temerario contraire. Si quis autem hoc attentare voauerit, seu præsumpserit, indignationem omnipotentis Dei, & beatorum Petri & Pauli Apostolorum eius, se noverit incursum. Datum Auinion. ii. Idus Nouembris, Pontificatus nostri anno septimo.

Et quia prædictæ constitutioni, Cum inter nonnullos, dictus frater Michael de Casena Minister Generalis fratrum Minorum hæreticus, con tradixit, patenter, publice, & impudenter cum suis complicibus mendaciter asserendo, quod Romanus Pontifex constitutionem, Cum inter prædictam; non potuit condidisse: Idem dominus Ioannes XXII. constitutionem edidit, quæ incipit: Ad conditorem canonum. in qua clarissime ostendit, quod constitutionem potuit facere antedictam.

Verum quia ille hæreticus Michael antedictus, cum quam pluribus sociis suis, etiam dictæ constitutioni, Ad conditorem etiam detrahebat: & ambas, Cum inter. & Ad conditorem. pariter condemnabat. Idem dominus Ioannes tertiam constitutionem edidit, quæ incipit: Quia quorundam mentes. in qua constitutione vtramque, Cū inter. & Ad conditorem canonum. confirmauit, & errores duos prædictos de proprio et communi fortius extirpauit, & verbis etiam aliis viuis fuit, vnde dicitur sic.

Extrauagans Ioannis xxij.

Quia quorundam.

Quia quorundam mentes: & infra. Nos itaque ne fabricatores mendaciorum